



Finansira
Evropska unija

Regionalni program lokalne demokratije na Zapadnom Balkanu 2 ReLOaD2



u partnerstvu sa Općinom Centar Sarajevo

Izveštaj o održanom prvom mentorskom sastanku u okviru javnog poziva za predaju projektnih prijedloga u sklopu projekta Regionalni program lokalne demokratije na Zapadnom Balkanu (ReLOaD2) u općini Centar Sarajevo

U okviru Javnog poziva za organizacije civilnog društva/nevladine organizacije za predaju prijedloga projekata, koji se sprovodi u sklopu projekta „Regionalni program lokalne demokratije na Zapadnom Balkanu“ (ReLOaD2)¹ u saradnji sa Općinom Centar Sarajevo, u četvrtak, 24. novembra 2022. godine u terminu od 12.00 do 14.30h održan je prvi od tri planirana mentorska sastanka za zainteresovane predstavnike/ice organizacija civilnog društva (OCD). Prvi mentorski sastanak održan je u prostorijama Općine Centar Sarajevo i bio je prilika da predstavnici OCD-a sa mentorom javno diskutuju o nedoumicama i dilemama u okviru pripreme projektnih prijedloga.

Termin prvog mentorskog sastanka definisan je u samom **Javnom pozivu za predaju projektnih prijedloga u sklopu projekta Regionalni program lokalne demokratije na Zapadnom Balkanu 2 (ReLOaD2) u općini Centar Sarajevo**, na zvaničnoj internet stranici Općine, te Razvojnog programa Ujedinjenih nacija (www.undp.org). Dodatno je poziv za učešće na prvom mentorskom sastanku upućen organizacijama civilnog društva i nakon održanog prvog dijela obuke u upravljanju projektnim ciklusom (PCM).

Prvom mentorskom sastanku prisustvovalo je ukupno učesnika/ca 12 (predstavnik/ca 8 OCD), od čega 7 žena i 5 muškarca.

Na početku mentorskog sastanka, učesnicima je pojašnjena uloga mentora i svrha održavanja mentorskih sastanaka. Tom prilikom je naglašeno kako je uloga mentora **da pomogne u otklanjanju dilema i nedoumica koje predstavnici OCD mogu imati tokom pripreme projektnih prijedloga, ali da uloga mentora nije da na bilo koji način učestvuje u izradi samih projektnih prijedloga**. Istaknuto je također da u cilju osiguranja i primjene transparentnog pristupa realizacija mentorstva, konsultacije „jedan na jedan“ sa predstavnicima OCD nisu dozvoljene. Nakon uvodnog predstavljanja svrhe mentorskih sastanaka i planiranog načina rada mentor je dao mogućnost prisutnima na sastanku da iznesu svoje dileme i postavbe pitanja, te da predstave inicijalno pripremljene dokumente.

Tokom diskusije razgovarano je o sljedećim temama:

1. Pitanja vezana za Smjernice za aplikante

Prva dva pitanja su se odnosila na ukupnu vrijednost projekta i mogućnost apliciranja sa dva projekta.

- Mentorica je ponovo kao i tokom obuke pozvala sve učesnike da detaljno analiziraju Smjernice za aplikante i dala odgovor na pitanje učesnika. Vrijednost projektnih prijedloga ne može biti manja od 10.000 KM i veća od 50.000 KM. Jedna organizacija može podnijeti

¹Regionalni program lokalne demokratije na Zapadnom Balkanu (ReLOaD) finansira Evropska unija (EU), a provodi Razvojni program Ujedinjenih nacija (UNDP).



Finansira
Evropska unija

Regionalni program lokalne demokratije na Zapadnom Balkanu 2 ReLOaD2



više projektnih prijedloga u okviru jednog ili više javnih poziva, s tim da je maksimalan novčani iznos sredstava koja mogu biti dodijeljena jednoj organizaciji tokom ukupnog trajanja ReLOaD2 projekta 120.000,00 KM.

2. Veza projektnog prijedloga sa prioritetima Javnog poziva, utvrđenim u okviru Strategije razvoja Općine Centar Sarajevo za period 2021-2027

Tokom prezentacija potencijalnih projektnih ideja od strane predstavnika/ca OCD utvrđeno je da su ključni problemi koje organizacije predstavljaju vezane za minimalno jedan prioritet Javnog poziva.

3. Predstavljanje informacija o nosiocu projekta i uvodni dio projekta

Većina prisutnih učesnika/ca je shodno dogovoru tokom obuke pripremila inicijalne informacije iz obrasca prijedloga projekta koje su vezane za predstavljanje aplikanta i uvodnu analizu.

Tokom analize predstavljenih dokumenata, dilema i pitanja koje su učesnici imali, mentorica je ukazala na slijedeće:

- Informacije koje se odnose na operativne i finansijske kapacitete su od posebnog značaja (eliminatorne) u procjeni projektnog prijedloga i stoga moraju biti precizne i provjerljive.
- Informacije o nosiocu se odnose na kapacitete glavnog aplikanta.
- U predstavljaju referentnih projekta slijediti uputstva iz samog dokumenta i predstaviti projekte koji su realizirani u posljednje tri godine (komentar na predstavljanje projekata koje je jedna od organizacije realizirala u posljednjih 5 godina).
- Na pitanje da li je moguće predstaviti projekte koji nisu bili finansirani iz donatorskih i vladinih fondova nego od sponzora i privrednih subjekata odgovoreno je potvrdno.
- U slučajevima gdje su predstavnici organizacija nedovoljno jasno analizirali situaciju i važnost problema uz odgovor da se isto podrazumijeva, mentorica je naglasila da ovaj segment u projektnom prijedlogu treba biti predstavljen na način da se pretpostavi da evaluaciona komisija nema prethodnih spoznaja o lokalnoj zajednici i problemima koji se pokušavaju riješiti.
- Predstavnici organizacija koje su se pored Strategije Općine Centar Sarajevo shodno preporukama tokom obuke pozvali i na druge relevantne dokumente, strategije i akcione planove, te međunarodne konvencije u odnosu na tematsku oblast i problem koji se adresira ponovo je skrenuta pažnja da se u slučaju pozivanja na druge validne dokumente osigura poveznice sa linkovima na izvore.
- Primijećeno je da jedan broj organizacija čiji ciljevi djelovanja odgovaraju prioritetima poziva ima ograničena iskustva u predmetnoj oblasti. Mentorica je pozvala organizacije da analiziraju vlastite kapacitete, mapiraju druge relevantne aktere u oblasti, identifikuju moguće partnere čije je djelovanje referentno, te da predlože i razmotre mogućnosti za zajednički rad na projektnoj ideji.
- Izbjegavati kompleksne jezičke konstrukcije i strukovni jezik. Uskladiti stil pisanja na način da su rečenice jasne, ne preduge i ne prekratke.
- Odgovoriti na svako pitanje i naznaku predstavljenu u obrascu prijedloga projekta, što nije bio slučaj kod svih inicijalno prodiskutovanih pripremljenih dokumenata u uvodnom dijelu.

4. Opis projekta

Nekoliko prisutnih predstavnika OCD je i po pitanju opisa projekta (*šta će se raditi u samom projektu i kako aplikanti namjeravaju ostvariti projektne ciljeve*), obradilo okvirno ovo pitanje.



Finansira
Evropska unija

Regionalni program lokalne demokratije na Zapadnom Balkanu 2 ReLOaD2



Naglašeno je da će ovaj dio biti moguće detaljnije komentarisati nakon izrade matrice logičkog okvira i definisanja plana aktivnosti.

U analizi inicijalnih informacija i dilema koje su učesnici imali u pripremi ovog dijela ukazano je na potrebu da aplikanti obrate pažnju i na sljedeće:

- Po mogućnosti ponude rješenja i metodologija provedbe projekta koja će biti inovativna i koja će slijediti modele dobrih praksi.
- Pošto je predmetom diskusije bilo i pitanje partnerstva istaknuto je da je važno opisati ulogu partnera te nivo njihove uključenosti u projekat. Partnerstvo mora biti opravdano i jasno ukazivati na komplementarnost u kapacitetima, znanjima i potrebnom iskustvu za realizaciju projekta.

5. Definisane ciljne grupe

Nakon predstavljanja pripremljenih analiza ciljne grupe/ciljnih grupa od strane prisutnih predstavnika/ca OCD, mentorica je ukazala na mogući prostor za poboljšanja:

- Preciznije i jasnije predstavljanje ciljne grupe, te konkretne koristi koje će ciljna grupa/e imati od projekta.
- Ukazano je na potrebu da se pored direktnih korisnika i njihova opisa, broja, rodne strukture, navedu i opišu sve uključene strane kao što su posredni korisnici projekta.
- U nekoliko slučajeva su pomenute škole, kao saradnici na projektu te je naglašeno nužnim da se osiguraju neophodne saglasnosti menadžmenta škola za učešće u projektu, te da se opiše uloga škola kao saradnika na projektu. Isto pravilo vrijedi i za druge saradnike na projektima.
- Predloženo je da pojedine organizacije pomno razmotre visoko postavljene indikatore na nivou broja direktnih korisnika, uzimajući u obzir period implementacije, vlastite resurse i druge relevantne faktore.

Na kraju sastanka mentorica se zahvalila prisutnim predstavnicima OCD na učešću te najavila da će u toku novembra i decembra biti organizovana još dva dijela obuka za pisanje projekata i dva mentorska sastanka, a sve kako bi predstavnicima/acama OCD-a bila pružena podrška prilikom pripreme projektnih ideja, i to:

- Drugi dio obuke za pisanje projekata (Logički okvir) u ponedjeljak 28. novembra 2022. godine u 12.00h (Centar za zdravo starenje, ulica Maršala Tita br. 12, Sarajevo).
- Drugi sastanak sa mentorom u petak, 2. decembra 2022. godine u 12.00h (prostorije Općine Centar Sarajevo, sala 205/II sprat).
- Treći dio obuke za pisanje projekata (Planiranje aktivnosti i budžeta) u ponedjeljak 5. decembra 2022. godine u 12.00h (Centar za zdravo starenje, ulica Maršala Tita br. 12, Sarajevo).
- Treći sastanak sa mentorom u petak, 9. decembra 2022. godine u 12.00h (prostorije Općine Centar Sarajevo, sala 205/II sprat).

Potvrdu o prisustvu na mentorskim sastancima potrebno je poslati na samira.dzihanic@centar.ba.

U svrhu transparentnosti, svi zapisnici, uključujući i ovaj, sa održanih sastanaka sa mentorom će biti objavljeni na stranici Općine Centar Sarajevo. Na ovaj način će se omogućiti da informacije budu dostupne za OCD koje nisu bile u mogućnosti da prisustvuju sastancima sa mentorom.